



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 11 DE SU 01/02/2023

OGETU: *APROVATZIONI SCHEMA DE CUNVENTZIONI PO SA GESTIONI DE IS TIROCINIUS CUN PERCURSU FORMATIVU-PRÀTICU DE SU PROGETU YOUNG WORK AND TERRITORY IN SARDINIA - 2 E AUTORIZATZIONI A SA CUMPRIDA DE TRES TIROCINIUS CURRICULARIS.*

S' annu 2023, su 01 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

<i>Nòmini e Sangunau</i>	<i>Càrriga</i>	<i>Presenti</i>
Beniamino Garau	Sìndigu	Eja
Dessi Donatella	Assessori	Eja
Frongia Pietro	Assessori	Eja
Montis Giovanni	Assessori	Eja
Sorgia Silvia	Assessori	Eja
Solinas Marco	Assessori	No
Garone Katuscia	Assessori	Eja

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Postu chi:

- S'Assòtziu Focus Europe est su sugetu coordinadori de su Progetu Young Work and Territory in Sardinia – 2, finantziau de sa Regioni Autònoma de Sardinia Young Work and Territory in Sardinia 2, Lei Regionali 22 de onniasantu 2021 n. 17 – art. 4 c. 1.
- Ainturu de su Progetu si previdit, de su mesi de friàrgiu 2023 a su mesi de abrili 2023, sa cumprida de unu percursu formativu-pràticu de 300 oras.

Ca s' Aministratzioni comunali, considerendi de importu mannu sa formatzioni professionali de is giòvunus, bolit giai sa disponibilitadi sua finas a custu progetu, aici comentì at giai fatu in su passau, postu finas chi custa collaboratzioni no ocasionat gastu perunu a càrrigu de s' Enti;

Esaminau su schema de Cunventzioni po sa gestioni de is tirocìnius formativus in acàpiu a custu documentu etotu (allegau A) formau de 6 artìculus e chi minescit s'aprovatzioni;

Arriciu parri de regularidadi tècnica cunforma a s'art. 49, corriedda 1, de su D.Lgs. n. 267/2000, de parti de sa Responsàbili de su Setori Sa Dotora Uccheddu M.R.;

Postu chi no serbit parri de regularidadi contàbili cunforma a s'art. 49, c. 1, ca no ddoi funt elementus contàbilis;

Cun votatzioni a favori e a totòmini cunforma a sa lei;

DELÌBERAT

De aprovai su schema de Cunventzioni arremonau, de n. 6 artìculus, in acàpiu a custa deliberatzioni etotu (ligòngiu A), de su mesi de friàrgiu 2023 a su mesi de abrili 2023;

De giai s' incàrrigu de cumpriri sa cunventzioni a sa Responsàbili de su Setori Personali;

De autorizai tres tirocìnius formativus de su mesi de friàrgiu 2023 a su mesi de abrili 2023;

De donai atu chi custu provedimentu no ocasionat gastus po su Comune.
